

# Gáhkkorčoru mánáidgárdi

## Jahkeplána 2022



## Sisdoallu

Dieđut SSO ja Gáhkkorčoru mánáidgárddi birra .....	3
Doaibmačilgehus: .....	4
Oahpásnuvvanáigi: .....	4
Biebmu.....	4
Biktasat .....	4
Mánná buohcci.....	4
Mánáid buktin ja viežžan .....	4
Tuvrrat .....	5
Ávžžuhusat ja geatnegasvuodát; .....	5
Mánáidgárdde divvagat ja dieđut.....	6
Permišuvnnat: .....	7
FÁDDÁPLÁNA 2022 .....	7
Dálvi (ođđajagimánnu ja guovvamánnu).....	7
Gidđadálvi ( njukčamánnu ja cuoŋománnu) .....	7
Gidđa ( miessemánnu) .....	8
Gidásgeassi ( geassemánnu) .....	8
Geassi (suoidnemánnu) Mánáidgárddis lea luopmu. ....	9
Čakčageassi ( borgemánnu).....	9
Čakča ( čakčamánnu ja golggotmánnu).....	9
Čakčadálvi/ skábma ( skábmamánnu, juovlamánnu).....	10
Jahkeplána 2022 čilgehus .....	11

## Dieđut SSO ja Gáhkkorčoru mánáidgárddi birra

Sis-Finnmárkku studeantaovttastusa (SSO) váldodoaibma lea fállat Sámi allaskuvlla studeanttaide buriid fálaaldagaid, omd Gáhkkorčoru studeanta mánáidgárddi.

SSO jodihuvvo studeanttaid čálgonjuolgadusaid (ovttastus lága) vuodul. Lea vuodđudus (stiftelse) ja iešeaiggát, gos stivra lea bajimus oaivámuš. SSO lea vuodđuduvvon 30.08.1995.

Mánáidgárddi lea 3 ossodat mánáidgárddi. Váldogiella lea sámegiella.



## Doaibmačilgehus:

Mánáidgárddi barggut leat vuoduštuvvon Mánáidgárdelágas ja mánáidgárddi rámmaaplánas.

“Mánáidgárddit galget addit mánáide geat eai leat skuvlaagis, buori ovdánahttin- ja doaibmavejolašvuodáid lagas ovttasbargguin mánáid ruovttuin.

### Mánáidgárdeláhka §1 Ulbmil

## Oahpásnuvvanáigi:

Váhnen dahje eará gean mánná dovdá bures, ferte mánáin leat mánáidgárddis álgobeivviid vai mánná oahpásnuvvá ja šaddá oadjebas mánáidgárdái. Vuosttaš mánáidgárdebeaivvit eai berre leat nu guhkit. Lea dehálaš ráhkkanahhtit máná ovdagihtii.

Leage positiivvalaš mánáidgárdái.

## Biebmu

Mánát váldet mielde borramuša guovtti borramii. Disdagaid lea mánáidgárddis lieggabiebmu. Mánát ožžot juhkamusa ja šattuid juohke beaivvi.

Mis lea sohkarkeahtes mánáidgárdi, mii ii mearkkaš ahte mii eat bora sohkkara mánáidgárddis, muhto ahte mii ávžžuhat váhnemiid árvoštallat maid bidjet bajožin ja mielde mánáid niestái.

## Biktasat

Mánás galget leat molssa/liigebiktasat ja lea maid dehálaš ahte biktasat heivejit guđege jahkodahkii. Biktasat galget merkejuvvot máná namain vai eai seahkán. Liigebivttasseahkas eai galgga leat báttit maidda mánát sáhttet darvánit/buvvánit jus leat gorkņodeamen bivttaslanjas.

## Mánná buohcci

Go mánná lea buohcci, de ii galgga boahhtit mánáidgárdái. Dieđit jus mánná ii boade mánáidgárdái, sáhtát juogo riņgestit dahje čállit SMS:a ossodahkii ovdal diibmu 09.00.

Muittuhat maid ahte jus lea mánná lea buohcan de ii galggaše mánáidgárdái boahhtit ovdal go leat gollan 48-diimmu maņņel go njoammudávddas lea dearvvašmuvvan (48-timersregel). Dáinna lágiin hehttet njoammudeami.

Jeara mánáidgárddis gihppaga, jus it leat jo ožžon dan: [Goas galgá máná doallat ruovttus-rávvagat dearvvašvuodadivššáris](#)

## Mánáid buktin ja viežžan

Mánáidgárdi rahpasa dii. 07.45.

Mánáidgárdi gidde 16.00 ja dassázii galgá mánná vižžon.

Jus viežžá máná maņņit de šaddá máksit divvaga 250 ruvnno. Diva lassána 250 ruvnnuin juohke 15.minuvttas

Dieđit mánáidgárdái ovdal 09.00 jus máná ii boađe mánáidgárdái, dahje jus maŋŋona. Dát lea dehálaš vuoi mii sáhttit plánet mánáidgárdebeaivvi; doaimmaid ja bargiidlogu ossodagain.

Ringes, dahje mital iddes go buvtát( *eat dohkket SMS:a bokte dieđu*), jus oktage eará bohtá viežžat máná. Go boadát viežžat; ale váldde máná mielde nu ahte bargit eai dieđe dan.

### Tuvrrat

Mii mannat tuvrrain. Go guhkit tuvrraide vuolgit de addit dieđu. Áigodat ja dálki lea dávjá mielde mearrideamen goas tuvrrat šaddet, mii mearkkaša ahte áiggis áigái bohtet maŋŋit dieđut tuvrraid birra, dahje rievdadusat plánejuvvon tuvrrain.

Mánáid vuollel 3 jagi eat váldde busse/biila tuvrraide.

### Ávžžuhusat ja geatnegasvuodát;

*Jus lea mii nu mainna it leat duđavaš  
beaivválaš mánáidgárdedilis, de  
ávžžuhat váldit oktavuoda.*

*Muittuhat ahte mánáid gulu eat  
huma áššiid birra maid sii eai  
dárbbas gullat. Váruhit gorutgiela ja  
jietnagaevaheami- alla jienain sáhtát  
baldit mánáid. Mannet latnjii gos eai  
leat mánát ságastallat diekkár áššiid.*

*Jus mánas rievdá bearašdilli dahje jus  
gevvat eará dáhpáhusat mat sáhttet  
čuohcat ja rievdadit máná láhttema ja  
eallindili(oanehis- dahje guhkitáigái) de  
diehtu dan birra livččii nannen min  
vejolašvuodaid heivehit doaimmaid su/sin  
ektui.*

#### **Mánáidgárddi rámmaplána**

*lea oassin  
mánáidgárdelágas  
mii geatnegahtá  
sisdoalu heivehit  
mánáidgárdái.*

#### **Mánáidgárddi jahkeplána**

*lea sámi  
jahkodagaid  
mielde, doppe  
čužžot doaimmat  
ja dieđut olles  
jahkái.*



## Mánáidgárdde divvagat ja dieđut

Makkar máksámuš	Studeanttaide:	Earáide:
Váhnenmáksu	3135,-	3135,-
Váhnenmáksu, nubbi mánná	1567,50	1567,50
Biebmomáksu	180,-	230,-

**Fuomáš:** Vejolaš oažžut vuoliduvvot mánáidgárdedivvaga:

Loga eambo dan birra: [Vuoliduvvon mánáidgárdemáksu](#)

<https://www.udir.no/regelverk-og-tilsyn/barnehage/foreldrebetaling/moderasjonsordninger-foreldrebetaling/>

Oasseáiggstudeanttat sáhttet ohcat oanehisáigge saji mánáidgárddis go leat omd. deaivvadeamit. Dát ferte šiehtaduvvot mánáidgárdiin dahje ohcojuvvot unnimusat 2 vahkku ovdal.

Hattit leat ná:

Studeanttaide : Mánáide vuollet 3 jagi 300 ru. + 15 ru. biebmu  
Mánáide badjel 3 jagi 250 ru. + 15 ru. biebmu

Earáide: Mánáide vuollet 3 jagi 350 ru.+15 ru. biebmu  
Mánáide badjel 3 jagi 300 ru.+ 15 ru.biebmu

Váldde oktavuoda ossodagain dahje mánáidgárdejođiheddjiin:

Roy Arild Rasmussen

Tlf. +47 95282389

E-mail :roy.rasmussen@ssosamas.no

Go mánáidgárdi lea gitta árgabeivviid, de gesso dat eret rehkegis.

Beaivvi ovdal bassebeaivvi (gaskavahkku ovdal skilleduorastaga, hellodat-, juovla- ja ođđabeairuohta) gesso beallebeaivvi ovddas.

Bassebeaivvit eai gesso mánáidgárderehkegis. Plánenbeaivvit leat oassin mánáidgárdefálaldagas, dat eai gesso rehkegis.

Jus studeanttat joavkkus ohcet liigerahpánáiggiid omd. eksámeniid ovddabealde, de sáhttá mánáidgárdi árvvoštallat ohcamiid. Ohcama sáddet mánáidgárdde jođiheaddjái unnimusat guokte vahkku ovdal.

Mánáidgárdi lea gitta suoidnemánu, ja vuosttaš vahkku borgemánus, dalle lea bargiin luopmu ja ráhkkaneamit ođđa mánáidgárdejahkái. Juovllaid ja ođđabeaivveruohta gaska ja beassásvahku lea maid mánáidgárdi gitta.

## Permišuvnnat:

*Gáhkkorčoru mánáidgárddi njuolggadusat, čuokkis 7:*

*Ohcáma vuođul sáhttit addit mánáidgárdesajis permišuvnna. Permišuvdna ferte bistit unnimusat guhitta mánu, dahje mánáidgárde jagi lohppii. Permišuvdnaohcan ferte leat boahtán mánáidgárdái manjemusat ovttá mánu ovdal go permišuvdna doaibmagoahtá.*

# FÁDDÁPLÁNA 2022

## Dálvi (odđajagimánnu ja guovvamánnu)

<i>FÁDDÁ</i>	<i>ULBMIL</i>
Ođđa jahki	Fuomášuhttit ahte dál lea ođđa jahki ja ođđa kaleandar.
Movt luondu rievdá: čuvvgodišgoahtá, beaivváš ihttá,	Fuomášuhttit mánáid jahkeáigodaga erenoamášvuoda ja bargguid
Rievssatgárdun/ Rievssat	Oahpásnuvvat árbevirolaš bivdovuohkái – mii gárdut ja dasto fas oahppat daid.
Niesteboazu Giđaniesti. Čolliid rádjan ja márfun.	Oahpásnuvvat sámi árbevirolaš bargguide dan bokte ahte mii oastit niestebohcco maid mii njuovvat dás mánáidgárddis. Das mánát ohppet earret eará dan ahte mo goikebiergu šaddá.
Guovvamánu 6.beaivvi, sámeálbmotbeaivi.	Fuomášuhttit mánáid ahte sámiin lea iežaset beaivi. Sámi mánggabealatvuoda birra čilget.

## Giđdadálvi ( njukčamánnu ja cuoŋománnu)

<i>FÁDDÁ</i>	<i>ULBMIL</i>
Movt luondu rievdá: idjabuollašat, beaivvádat, beaivet bivval, guhka čuovgat, Muohta álgá suddat, soavli, cuoŋu,	Fuomášuhttit mánáid jahkeáigodaga erenoamášvuoda ja bargguid
Heargevuodjin/ Heargi	Oahpásnuvvat herggiide ja árbevirolaš heargevuodjimii. Mii vuodjit herggiiguin.
Riikaviidosáš Mánáidgárdebeaivi 15.03.22	Mánáidgárddis doaimmat mat leat čatnon riikaviidosáš mánáidgárdebeaivvi fáddái..

Fáddá: “Olmáivuohta” “Don ja mun”	
Beassážit	Čalmmustahttit mánáide mat beassážit leat ja movt sámi beassážit leat.
Gidasdálvedoaimmat Čuoigan, mátkkoštallan, guollebivdu, olgun gáfestallat.	Leat ollu olgun, doaimmaid bokte hásttuhit mánáid diehtoáŋgirvuoda, oahppama ja lihkadeami.

### Gidđa ( miessemánu)

<i>FÁDDÁ</i>	<i>ULBMIL</i>
Movt luondu rievdá gidđat	Fuomášuhttit mánáide jahkeáigodaga erenoamášvuoda ja bargguid. Oaidnit earret eará šlahti, arvvi, go muohta suddá, urbi luotkana.
Miessemánu 17.beaivi, Norgga našunála beaivi	Fuomášuhttit mánáide ahte Norggas lea iežas našunálabeaivi ja maddái ahte sii oahpásnuvvet ja vásihit demokrátalaš servodaga
Luonddugáhtten	Oahpahit mánáide mii lea luonddugáhtten ja ahte manne dat lea dehálaš. Dalle bargat maid gidđabargguid.
Gidđabarggut Ávnnasteapmi, murren, fierbmun, osten.	Oahpahit mánáide árbevirolaš gidđabargguid, ja mo dat barggut bohtet ávkin skábman/dálvái.

### Gidasgeassi ( geassemánu)

<i>FÁDDÁ</i>	<i>ULBMIL</i>
Movt luondu rievdá	Fuomášuhttit mánáide jahkeáigodaga erenoamášvuoda ja bargguid. Oaidnit omd. go runoda, čuike, dulvi, báhka
Miessemearkun/ Miessi	Oahpásnuvvat sámi árbevirolaš boazodollui. Vásihit miessemearkuma dan bokte ahte fitnat gárdde luhtte ja beassat oasálastit miessemearkumis.
Dállodoallu/ Šibihat	Oahpásnuvvat árbevirolaš šibit- ja návtdollui. Oaidnit mo šibihat ellet, gos mii oažžut omd. mielkki ja eará biepmuid.



Duodji	Oahpásnuvvat árbevirolaš duodjái, ávnnasteami ja vásáhusaid bokte. Dipmá- ja garra duodji, dáidda jna. Ávnnasteapmi joatká, viddagiid, osttuid, geđggiid, besiid, ovssiid.
Gilišillju	Oahpásnuvvat lagasbirrasii ja historjái.

### Geassi (suoidnemánnu) Mánáidgárddis lea luopmu.

### Čakčageassi (borgemánnu)

<i>FÁDDÁ</i>	<i>ULBMIL</i>
Oahpásnuvvan	Oahpásnuvvat mánáidgárdái, bargiide, eará mánáide ja olgošilljui
Movt luondu rievdá: ruški, muorjjit láddet, áibmu šaddá galbmasit	Fuomášuhttit mánáide jahkeáigodaga erenoamášvuoda ja bargguid
Mearragáddi	Vásihit ja oahppat mearragátti birra. Fitnat mearragáttis gos besset čoaggit skálžžuid geđggiid jna.
Čakčageasi barggut Nuohtun, suidnen, murjen, ávnnasteapmi	Mánát galget beassat bargguid bokte oaidnit bohtosiid, áiccuid bokte vásihit ja ovdánit. Dihtomielaččat oahpahit mánáide sániid mat leat gullevačča doaimmaide
Luonddubálggis	Oahpásnuvvat lagasbirrasii ja lundui.

### Čakča (čakčamánnu ja golggotmánnu)

<i>FÁDDÁ</i>	<i>ULBMIL</i>
Movt luondu rievdá čakčat.. Lastaramađat, rašes jienjat, gálljin, sevnjnoda, galmmaš,	Fuomášuhttit mánáide jahkeáigodaga erenoamášvuoda ja bargguid
Gárdđastallan	Oahpásnuvvat sámi árbevirolaš bargguide. Mánát besset oaidnit mo lea boazodoallo barggut, besset searvat. Fitnat gárdde luhtte mánáiguin.

Johtolat sihkkarvuohta	Oahppat mo galgá doaimmat johtolagas – johtolatnjuolggadusat.
Ealgabivdu	Oahpásnuvvat ealgabivdui, dasa gulli doahpagiidda jnv.
Duodji	Oahpásnuhttit ja searvat aktiivvalaččat sámi árbevirolaš ja báikkálaš duddjomiidda, ávdnasiidda ja tehnikkii.
Solidaritehtas bargu	Oahpahit máná veahkehit olbmuid geain ii leat nu buorre dilli. Nanusmahttit sosiálagelbbolašvuođa.
Mu gorut- mu rájit	Oahpat gorotnamahusaid. Oahpat intimitehtarájiid.. Fáttá oktavuodas maid oahpat man láhkai láhttet nuppi vuostá; ruovttus, mánáidgárddis ja muđui.

Čakčadálvi/ skábma ( skábmamánnu, juovlamánnu)

<i>FÁDDÁ</i>	<i>ULBMIL</i>
Mot luondu rievdá: Skábma, buolaš, muohta, seavdnjat, gomuvuohta	Fuomášuhttit mánáide jahkeáigodaga erenoamášvuođa ja bargguid
Juonasteapmi	Oahpásnuvvat árbevirolaš bivdovuohkái. Mánát besset oahppat ja vásihit iešguđetlágan guollebivdo vugiid. Mii fitnat juonasteame.
Nástealbmi	Oahpásnuvvat nástealbmái ja gomuvuhtii.
Duodji ja eará barggut	Duddjot ja hábmet buktagiid ávdnasiiguin maid gidđat leat viežžan
Juovlaráhkaneapmi	Oahpásnuhttit mánáid servodaga vuodđudeaddji norpmaide ja árvvuide
Adveantaáigi/ Juovllat	Fuomášuhttit mánáide mii adveantta ja juovllat leat. Fitnat girkus.

## Jahkeplána 2022 čilgehus

Jahkeplána lea ráhkaduvvon sámi jahkodagaid mielde. *Mii galgat dihtomielaláččat oahpahit mánáide sániid mat leat gullevačča daid iešguđetge doaimmaide.*

Gáhkkorčoru mánáidgárddi Guhkitáiggeplánas leat mii vuđoleappot čilgen earret eará fágasurggiid mat fátmmastit viiddis oahppansuorggi ja daidda lea ráhkaduvvon progreshuvdnaplána iešguđet ge ahká.

---

*“Mánáidgárddi galgá addit mánáide  
vuđđooahpu dehálaš ja áigequovdilis  
surggiin(..). ”  
(Mánáidgárdeláhka § 2 Mánáidgárddi sisdoallu*

---

Covid-19 áigodat ain bistá, nu ahte mii eat beasa lágídit skuvladeaivvademiid nu mo ovdal lea dahkkon. Mii lágiidat skuvlajoavkku doaimmaid olles giđa 2022, ja šiehttat maid skuvllain goas heive fitnat min skuvlajoavkkuin geahččamin skuvlla ja oahpásmuvvat skuvlii.

**FUOM!** *Láhkarievdadus oahpahušlágas, mii lea doaimmas borgemánu 2018 rájes.*

*§ 13-5. Plikt til å samarbeide med barnehagen om overgangen til skolen*

*Skolen skal samarbeide med barnehagen om barna sin overgang frå barnehage til skole og skolefritidsordning. Samarbeidet skal bidra til at barna får ein trygg og god overgang.*

*Skoleeigaren har hovudansvaret for samarbeidet og skal utarbeide ein plan for overgangen frå barnehage til skole og skolefritidsordning.*

Muđui leat mis maid eará fáttát maiguin bargat mat guoskkahit mánáid oahppamii ja ovdáneapmái. Ovdamearkkat leat dearvvašvuoha/dearvvašlaš biepmut, ivnnit/hámit, matematihkka, luondufága ja ollu eará.

Bargat maiddá dihtomielaláččat mánáid sosiálalaš ovdánemiin birra jagi; nugo mo earáiguin láhttet, olmmošvierru, beavdevierut, eastadit hárdima/givssideami, mu gorut- mii lea dohkálaš, ja mii ii.

### **FUOM!**

Láhkarievdadus mánáidgárdelágas, mii geatnegahtta mánáidgárddiid bidjat doaimmaid johtui jus mánáin ii leat buorre psykososiála dilli mánáidgárddis. Dát doaimmat galget dokumenterejuvot, ja galgá plána dáhkot mo mánáidgárddi bargá oktagaslaš áššái.

Dehálaš liŋkkat:

[Mánáidgárddiid rámmaplána](#)

[www.nullmobbing.no](http://www.nullmobbing.no)